

ur, & corrumpuntur (cum per sensibilia intellectualia ad inuisibile
um cognitionem ueniamus) ad immensam creatoris ipsius bonita-
tem, magnitudinem, potestatem, sapientiã, uirtutem, & gloriam con-
templandam, uenerandamq; & adorandam ducemur: qui sic cuncta
ministrando gubernat, ut quasq; res proprios motus, nec sine ipsora-
men, agere sinat. Vltcrius præter ea, quæ Reuerendissimæ Domina-
tionis tuæ offero, post ueræ inquam, nec supersticiosæ Astronomiæ
rudimenta, certa inest passionis Dominicæ excussio: quæ olim inter
Græcos, atque occidentalis ecclesiæ patres in cœna domini circa agni-
esum agebatur, quæque modo inter Latinos plures uersatur circa
lachrymosum, salubrem tamen diem illum, quo uerus, nec mysticus
amplius paschalis agnus pro salute humani generis Crucis ligno ul-
tro affixus pependit. Quæ singula demum pro umbilico operi huic
nostro annexa, Paulo. iij. Pontifici Max. ut alias dicata, cernuntur.

Hoc igitur synceræ Astrologiæ opus tuæ ingenuè mittimus
amplitudini, si quando aliquid ocñ nactus fueris, degu-
standum, tuoq; rectissimo ex animi trutinandum. In
quo si quid diuinæ legi quod (minime intendi-
mus) aduersum per senseris, id tuæ committi-
mus authoritati penitus abolendum uel in
melius commutandum,